

近代中國史料叢刊第二十三輯
沈雲龍主編

蠖園文存

朱啓鈴著

文海出版社印行

丙子冬月

暖園文集

七十六家文集楊氏




W. H. H. H. H.

民國二十有五年

丙子紫江朱氏刊

頌公六十六歲照像



家乘初成鬚鬢已斑遺
聞三世幸能傳史例
自稱牛馬走更伸餘
紙寫殘年

丙子季秋

燮公自題



舊都之有警察寔業勅於有清光緒辛丑壬寅之際其後
又二三年而警察廳始建厥後乃與紫江朱公桂辛丑外城廳
事余時服役不廳是為識公之始每於承白之頃覘其言
論向幹知公貞固之性包舉之量忠懇之懷邁往之氣有
非恆人所能出其肩背者顧其治事則重寔際而不規規
於文字每曰吾人舉一事必待標舉宗貫炫美章制而後
徐徐著手則事機之延誤者不知凡幾至如文誥表冊年
載月刊而揆諸寔際相去甚遠則是驚虛猥名尤不足道
以如徐公生平長內政主交通經畫蒙疆勦辦市政與夫

津浦路務中興礪業凡所設施哀然興舉而文字表襮十不
具一然當其稿牘山積檢定裁決之際則又批要導竅罄
玉點金或則自出心裁別成偉構椽屬承奉亦惟目醒心
折券券為莫贄一辭蓋云天資英異其心思才力又足
以副之故雖筆墨餘閒亦沒越度恆流每多獨到特不
自以文字頭人亦不以文字為云重耳用是鴻篇鉅製遂與
沈棟官書塵封新積而畧無檢存之者久且漸歸散軼
莫可尋索余忝附末契從役較多且曾與典籤見測
九論所惜文書填委彼時未遑撫拾至今思之有負

妻遇矣公謝放以還致力事業尤於吾國固有文化孜孜研
討每有所得輒詮釋而彙揚之於是益覩鉛槧著述尤
多其親教傳誌之文亦以知之論者言之始切輒汲捲筆
自為然公之為文不沾沾於華藻而辭氣充沛讀之令
人暢然意滿至其考據諸篇尤徵引博奧斷制精當酌
古今合務期折衷而歸於寔因其精思所運每仍不在
文字近歲所著益廣始稍錄存之久而成帙乃更搜求
舊稿萃集一編付之剞劂署曰護園文存惟其中間於
施政之篇仍非全豹蓋珠珠散落蒐集寔難固非一時

所能集事也丙子冬余歸自滬濱以此是編示余命為之序且曰吾老矣其文本不足存其事或有當紀而故舊凋殘能知吾之往事者舍君外更無幾人故汝君一為商榷君此是編之作以為何如余曰公之政事文章非此聊聊數篇之所能盡然則所謂存者非存其所可存特存其所僅存耳然公之事業彰彰在人耳目殊不藉文字而始傳且公平生襟抱於文字無所珍惜顧於歲晚勤勤掇拾且歎此敘時既作卷頭語自公視之得不謂為自落恒蹊有遠雅量耶然載記流傳動聞國故歎垂悠遠津逮是資然則文字之

事詎可偏廢特不以此為炫才矜博之具斯為得之竊謂公之
作此寔合時異世士夫之所需求且為從公遊者應盡而未
盡之責雖香瓊羽璧所遺者多而碩果所存亦足以昭示
來茲為世星鳳是則此作其何可少於公史漢何嫌耶庸
諸當世君子或將不以鄙論為非而公亦且莞爾而許之乎

戊戌丙子冬至後十日大興竺樓祝書元謹序



蠖園文存序

記曰智類通達易曰觀其會通曠覽古今惟通爲難雖云資有天授非關人力然亦後世學術歧趨混莽所致也古者官師合一退而爲學進而從政此物此志莫或有殊允哉章氏實齋之言曰古人之學不遺事物蓋亦治教未分官師合一而後爲之較易余惟古設六藝之教方其勝衣就傅所學固皆日用之常經百爲之通孰學成焉而後擇一術以致其精終身行之而不解故其通也有聞一知十之能其專也復有極深研幾之致虞廷之治后稷樹菽五穀而共工董治百工非惟官師合一而且官工合一也孟子始有勞心者治人勞力者治於人之說戰國之際處士橫議空言獵名扇爲風氣不獨政與教分官與師分抑且學與事分其端始見於此乎泊於漢武以儒家專論學之席而九流見軒輊之殊治學之途愈隘專者既不獲與學術之林而通者亦罕復可見矣自漢以還爲學之弊凡三儒家流派不越三支所謂考據詞章義理鼎分而更勝求其貫通三者不圍一端已

爲難遇至若因詞章而獲考據由考據以見義理茫茫千載實若晨星夫此三者僅爲治學之方全非學之鵠的猶且拘牽若此何緣見其遠大其弊一也漢儒緣飾經術猶頗達於治道自爾以降事功學術漸判兩途抗論雖周情孔思蒞官則簿書期會於是經政之要多入胥吏之掌握士大夫初不得而問焉其弊二也專門之業必世其家口耳相傳往往非文字所能溝澹一自官與工分學與事分而專門之工師永不得儕士林之列傳之於載籍者與施之於事物者截然不相謀焉其弊三也坐是三弊通才彌艱溝壑之見積非勝是由來久矣海通以來事變繁會耳目發皇瑰奇邁越之士爭有以自見其能力掃重規迭襲之陋上接往古久墜之緒者余雖蒙鄙所嘗聞馨欬倚裳袂者蓋亦不可一二數若夫起自艱貞獨探遐秘能如實齋所稱古人之學不遺事物者則雙公先生爲尤難焉公以考亭正脉毓秀黔南贈公梓皋先生吾姨丈也懷靈均之高行殉汨羅之遺跡吾姨母傅太夫人銜恤撫孤督教備至然公無意於當時帖括之學跡弛頗異常兒旣隨外

祖青餘先生歷宦中州弱冠從我先君文慎公入蜀縱目山川之雄奧接席幕府之名賢先君喜公駿邁事無大小必以咨焉又公先娶於陳茶陵松生先生之嗣女也輅車之返多載奇觚公博覽周諮所聞彌富慰親捧檄爰官蜀中盛雲陽灘工緬離堆之舊績幕石門之勒頌躬督鎚鑿不避險艱其精練工事發軔於此改官吳下入覲帝都值戊戌維新海內厨顧鱗萃闕下公始聞朝政歸佐先君改革學校籌設農場先君內植樞垣朝政鼎新百端待舉公又隨焉凡所經畫有若京師譯學館之籌設有若北洋警察之創辦皆垂爲常典而警政尤草創艱難成效昭灼廷議嘉之移於輦轂按漢家有彈室之置蒙哥制警巡之院肅清姦宄納民軌物其必自此而廢弛千年上下自恣聞茲新令往往震驚公手定規條身親游徼魏絳戮揚干之僕董令逢帝主之威見赤棒之尊嚴返舊章於司隸雖見疾勢豪卒以去位而事下各省奉爲圭臬至今肅規未忘猶以北都警察爲稱首此公通政學之效一也公嘗東游扶桑求殖民之策歸任蒙邊墾務將移冠帶之族化溷酪

之風興安以南濡水以北山林未敗寶藏所萃倘斯策得行則上繩秦皇實邊之美下減漢兵防秋之費規畫未終移督津浦鐵路午貫南朔樞紐江津自上都以迄海墻棧通無阻辛亥更始遂長交通入參國務定鐵路國營之策以攬全局預擬交達之路尤要者凡四自江寧以達長沙曰寧湘以溯黔楚上游以闢豫章腹裏自大同以達成都曰同成以避夔巫之艱以奪荆襄之險出於其途者可以朝辭白帝暮馳紫塞自浦口以達信陽曰浦信以疏蔡申舒霍之富而輸之江濟自蘭州以達東海曰隴海以摻秦隴之天府而滂汴洛之隴區廿載以還惟隴海獲成東段思公之功已成陳迹凡所以鞏國防利商旅者公去而政息達者閔焉此又公通政教之效二也燕京自會同定鼎以來移累代文物之重垂中原制作之休至元肇業永樂重光兼中外之名工定古今之通制夫其植槐成市絲柳被渠通衢十二離宮卅六身毒寶鏡西域蒲陶釋曇曜則鑿石武州宇文愷則疏渠龍首葛稚川之述西京羊銜之之記洛邑以視建業偏安臨安行所論夫體國經野之謨

創業垂統之意豈平

景物之略審德符野

變尙存按行可識以

府之珍秘以快有識

爲雉兔不往義乖衆

風俗厚民生於是

傳必馳駟馬經塗洞

規部例並有專條於

壤飛文之制鮑照所

是有改建正陽門樓

行水之道金章宗建

一隅易世以後景物逾新中外爭慕游屐相接追式偉績有餘愛焉此又公通政學之效
三也嗣是公嘗以國事未定任南北議和代表思息閭閻之爭復一統之治而以武將多
負固之思辯士逞縱橫之技治絲益棼卒不副願爰有歷聘三洲之舉始持英篋躬奉盤
匱驛騎初臨風麟爭識昔者甘英奉使空臨紅海之濱法顯求經不險師子之國公博稽
載記周訪名都烏弋山離蔚宗之所曾記白衣大食杜環之所親經拂菻記時之表馳說
於唐書屬賓王面之鏡詳述於漢傳玩條支之大鳥撫大夏之胡桐然後知穆滿羣玉之
游必非鑿空子年拾遺之記亦異憑虛種族宜出一源政教本無殊致是以安敦之盛治
爲漢土所蓋稱震旦之宗風亦大秦所遙慕公精心默識秘籥潛闕挈其長短之效存其
會通之迹以視子雲之訪輶軒止於奇字裴公之志西域不越傳聞非其倫矣歐洲人士
爰有關中國學院刊四庫全書之議此又公通政事之效四也然公之所以紹墜緒而振
來學者猶不繫乎此蓋自冬官書亡疇人職失制器尙象之方利用前民之義爲儒家所

不道學者所弗詳然猶賴一二哲匠濬發巧思張皇幽眇技近乎道思通乎神迄今中原
文物之美富猶爲環海士民所稱羨昔者魯般王爾能制作而未嘗筆之於書張衡杜預
能著述而未嘗紀所親驗惟有宋元祐之六年大哲李先生明仲茂挺異才紹敷絕業本
其天授之魁竒益以畢生之探討上導源於舊籍之遺文下折衷於目驗之時制歸然成
一家之言褒然立一朝之典爰有營造法式之篇此書告成亦越八百餘年而後公於塵
封蟲蝕之中表而出之以詔當世公之篤耆工藝也肇始童齡長游四遐周歷官政所至
尤與引繩正槩之工握算操籌之賈相周旋驗其庀事之能兼考飭材之要非徒故書雅
記羅於心胸而已較其身世差與李君同符千載相思益有遙集之雅有開必先非偶然
也公嘗謂明堂茅覆辟雍水環經國而先冢土立家而主中霽佩容刀而觀流泉揆中星
而作楚室初民卜居之始乃禮經垂制之原是日明禮又謂山節藻稅通袞繡之文反宇
重簷本車輅之象金莖承露出燕齊迂怪之談藻井垂蓮亦楚越神巫之說施於宮室義

有本原是曰攷象又謂通道褒斜爰獲隴巴之木取材台栝方知雁蕩之勝流離鑄石自胡商入魏以來瑟瑟如珠見杜公客蜀之詠是曰辨材又謂雖渙纒文勒於許訓廣漢鉤器見諸班書槩工有襄樣之稱錦官見蜀江之利近則曲陽世家專元都琢石之技吳門匠氏典明代冬官之職是曰別地是以營造之學通於羣藝諸如此比更僕難終非唯修技巧之末流爭暖姝之成見而已比歲以來爰就故都闢營造學社集諸同好晨宵鑽穴每有懸解得其環中海內外聞風馳訊奉贊請益騰溢門籍闡咽戶限而公應接不勤切磋彌勤綜公一生以視實齋所謂古人之學不遺事物不其誠有合與余奉教於公者於茲四十年常風雨之如晦守蕪城之寂寥往事追論則感深桑海新知互證則契喻針磁昔嘗覽揆之辰曾上引觴之頌曷以端居寫爲家集治政論學萃於此編鉛槧既竟命加序引遂重錄昔文弁於其端云民國二十六年春日瞿宣穎敬序

蠖園文存目錄

卷上

籌蒙要策

蒙務局上東三省督撫經營蒙務條陳

蒙務局請籌的款並預籌鐵路議

蒙務公牘彙編序

遷葬故明朱王孫遺骸碑

改訂全國行政區域議

籌辦八旗生計議

定四季節假呈

改定各省重複縣名呈

北戴河海濱公益會報告書

蓮花石公園記刻石

中央公園記

重修貴州會館記

題白君市政考

創設惠通公司啟

雙園文存

紫江 朱啟鈴 桂辛

籌蒙要策

今日籌蒙之策有六要亦有二道六要者關乎主腦之策畫無論所措施之事千萬變其端而必須抱定此旨者也二道者視吾今日形之利勢之便力之所能及或並舉焉或擇其一以爲措施之方者也請言六要一曰齊一政令也東三省所轄哲里木十旗向分隸於三省將軍而統於一盟長政令之頒布往往稟於邊臣者則聞見異詞受於盟長者則疑信參半又以政令之相殊積久而各成習慣昔日經蒙之略不過放荒設治一兩端已歧然無齊一之辦法自三省改設行省政令始專於總督於是經營蒙務亦設三省總局然後十旗之觀聽齊將來一切辦法便當合全盟以統籌因事機爲輕重舊時令甲之異同者更爲之融化而芟削焉此專一蒙情之要圖也二曰招懷携貳也藩政不修諸蒙疲

敝十餘年來受外力之牽引者久矣蓋爭鬪之控訴吾無以消弭之年班之揮霍吾無以限制之馬賊之擾害吾無以安靖之外人之蹂躪吾無以保衛之由是困於訟獄困於文墨困於盜賊兵戎積此數者之困累遂成債負債負甚而官吏不知乃愈忿呼籲之無聞而傾心於外人爲走險之下策故對於蒙人之携貳必求其所以致窘之由一一代籌其補救其氣既蘇其心斯感此固結藩封之要圖也三曰監察外事也蒙人困累既深不得宗邦之援救始思乞憐於外人而日俄兩國實逼處此方何許以窺我蒙疆於是借兵平亂也鐵路讓地也牲畜賤售也土地抵債也貨物代賣也私交往來爲鬼爲蜮方以外人爲可倚外人益發抒其籠絡之手段以愚蒙人隱然懷盜城肱篋之心厲階之生至今爲梗及日俄戰定吾國漸洞其狀於外人之舉動始偵嘗而抑闕之而其交結之情貫遷之事及游歷測繪之先後廢續又有非吾之智力所能如何者爲今之計於其種種之連結必盡我智力之所至先設嚴禁以阻蒙人而後限制護照之給發責成邊吏之譏謗清野

乃能伐謀伐謀乃能致果此尊重主體之要圖也四曰設置驛站也草莽縱橫有地無民有民無路文報不通則消息多滯山澤不闢則盜賊爲窟逆旅不設則商賈裹足帶礪之地棄爲甌脫藩國之民視同化外昔日經蒙之略如此昧昧誠不能自爲諱矣今放荒設治既已遍於近邊而豐草長林繇亘數百里未施一鋤未闢一徑者到處然也洮南爲控扼全盟要地而遼源以北至於洮南洮南以東抵嫩江江岸其間平沙瀰漫無馬蹄人迹之可尋設驛置郵派兵試墾莫急於此此路若通移民政策固可附麗而農工商事業更可指日而興蓋鐵路所不能及者驛站可以彌其闕此辟除險阻之要圖也五曰獎勵移民也有天然之地利必以人力開墾之有適用之人力尤必有良法鼓吹之蒙古爲宜農宜工宜商之地而任其荒廢者無人力以開墾之也百年以前直隸山東之民犯禁出關閩粵之人涉重洋以適異國而皆不知深入蒙地者無善政以鼓吹之也自來實邊之計固患無兵更患無民欲移民於蒙古必行獎勵之法燕齊土著負耜出邊耕佃每春出而

秋歸若能變通放荒辦法計口授地令其化流爲居並爲之墾理井田劃出村屯街基令其化散爲整能舉家外徙者給以籽種鋤犁以代獎勵輪船火車或取半價或概免收煙台上海廈門香港各口岸設立移民局士紳大賈勸導出力者按成績而優獎焉則十年之後蒙古必變爲熙攘繁盛之場百業之興將亦成爲天然而不可遏此招徠居聚之要圖也六曰聯合官商也自歐美各國以商戰勝天下而官爲治國之機關者商亦爲富國之根本其勢處於合而不處於分吾昔爲閉關自守之國天產之美饒器物之簡樸取諸宮中泉貨無漏卮之慮遂視商業爲人與人之競產而非國與國之競產甚且賤視商賈不齒於物望其習蓋二千年今籌蒙古之整頓千端萬緒自當皆統於官實當分貸於商蓋任理想上之規布者官也任實際上之行爲者商也置一機關盡引纖微之絲縷總之以網維而納於官之手此非商之力而誰力如設大農公司則農而商者也立製造廠則工而商者也甚至魚鹽之業畜牧之業森林礦山之業均必賴大商之主持而官則爲之

監督夫招商以經營蒙地固有重足不前堵口無功之苦然苟得官之實力保護盡法提倡或資以本金或疏其障窒中孚之信足以奔走天下吾知挾鉅資營業者爭慕蒙古天然之地利必樂爲我用而相助成功此振興藝術之要圖也凡此六要按之今日時勢審之近時習慣本非窒礙而難行而施之哲里木蒙古之經營尤爲切要之舉第於窮荒大漠之中欲施急起直追之策操縱匪易憑藉全無誠恐有事與心違者然則欲規長駕之遠圖須籌入手之辦法請進其說厥有二道

一 軍府主義

陸軍部練兵之籌備東三省先置三鎮查奉天軍隊現駐省城一協駐新民一協去年由北洋調來一鎮分駐長春昌圖三省又改編巡防整飭軍政凡所以紓邊患也以三省大勢論即使練足三鎮未必便敷布置現在軍隊雖立然以言拒敵則常備陸軍駐紮只沿鐵道路綫以言制敵則又密於南滿而疏於東清比年以來建修軍房增繕壁壘糜欸鉅

增 知 務 雜 如 總 爲 公 法 目 第 五

而自至者况日俄之經營滿洲也陸軍厲其前農商盾其後以社會之資財供軍國之展拓以武力之競爭奮殖民之事業是固我所當借鏡者也然則軍府之計畫豈僅爲防禦計蓋借此有着欸之一鎮軍隊神吾凡百經營之運用並可鼓勵蒙民恢復其尙武精神實行徵兵之制其利賴爲何如也今復臚舉其效如左

一國防之準備

俄日兩國之均勢皆注重洮南日人窺蒙則以遼源爲行部是皆藐我要荒一無準備耳若駐軍洮南扼據形勝未始不足杜絕覬覦又復經之以鐵路緯之以驛站交通輸運之方日益完備則遼源之師聲勢聯貫首尾相應東北則可援應吉黑西南則可障護邊關此軍備之計算也至於外事之防維則監察外人之舉動銷滅蒙旗之交涉其裨益於國防豈淺鮮哉

二軍糧之儲蓄

言兵食之關繫則必有糧以養兵言民生之關係則必有粟以易貨蒙地土廣人稀道路未闢一人所耕一人食之而有餘既無銷售之路復乏蓋藏之所乃至以賤值妨農甚且棄地不耕今既駐紮軍隊則糧粟芻秣之屬就地採買爲值輕於內地既便軍食又利農業兩善之道也

三蒙匪之防剿

蒙匪充斥居者行者均有戒心今既駐紮軍隊聲威所樹已足消此亂萌近來防軍剿匪千里饋糧兵去匪來良民無所別擇避保不濟匪黨圖存室家若以節制之軍隊扼要駐防以戰術上之抵制困之深山窮谷中匪無所得亦必自殲且三省鬻匪大半爲失業之鐵路工傭國家一旦興大工大役此輩復得傭值則游民有歸脅從解散即巨匪陶克套黨羽不過百人蒙地興盛屯堡相望以團防之力足以制之不然懸萬金之賞必可以殄渠魁每歲出邊剿匪之費所省亦甚鉅也

四輸運之必要

軍隊之駐紮必有日用之需額除就地採買外勢必取給於內地內地輸往項背相望道路亦爲之通行旅依附漸成坦途役用工人積久且有居留營業耕種者有事業即有人民此無煩於官府之勸導而收自然之功也

五移民之進行

一鎮之軍隊爲流質之移民即借以爲招徠之本建築營房則需工而工至購買器用則需商而商至耕種地畝供給糧食則需農而農至陶冶縫紉逆旅雍髮諸業之人亦必皆至以應軍隊之用又有官吏之往來親朋之探望勢必築室列廡日盛一日此爲凝質之移民有官力以提挈之有軍隊以保護之始而萃處繼而散布其效驗蓋不可預計也

六商業之振興

人民聚而後貿易興蒙地無商業之可言者以向爲游牧水草之族守不相往來之訓遂

無外貨之輸入亦無內貨之輸出貿遷化居之利乃不能與內地人民共享隩區沃壤轉成荒蕪今軍隊之銷用既雜羣商必皆趨之多一人則一日多數十百器物之用勢又不能不互相交易則來者亦愈衆小商逐什一而大賈善居奇相援引相趨附其繁盛可立而待也

七國幣之流通

蒙地向無幣制洮南設治以後悉聽命奉天長春近來荒務疲滯市面日益空虛所恃爲流通之機關者惟一商辦之普通公司資本不及二萬所發鈔幣尙足行至卜魁遼源長春新城各處而俄人與蒙民購易牛馬率用羌帖故流行東四盟旗甚廣隱操幣政之權今既駐紮軍隊自應設立銀行發行鈔幣以濟軍用所有交易均以統一之銀幣相爲流通羌帖等外幣之勢力自殺信用既久通行蒙地挽回利權不可以數算

八墾植之增進

有軍糧之採買則粟菽無腐朽而農民之耕作勤及四民益集本地之供求日多交通便利外路之銷運亦廣洮南一帶土地肥沃試種黍麥麻靛及內地蔬果靡所不宜其時官府可體察情形放荒招墾其踴躍之狀必有過昔日百倍者於是退伍之兵及遷流之民之無業者均可給地安插地利可由此盡闡矣

九蒙旗之利賴

駐兵止一鎮而物產可以銷匪亂可以弭蒙民可以得交通之利益可以執各種之營業況耳目既新知識日進軍隊之規模漸印於其腦筋而生無窮之羨慕昔日樸忠雄武之精神將由觀感而思奮發凡生計之發達思想之開拓學術之增益漸成完全人格其獲間接之培植者尤無窮之利賴也

二 鐵路主義

蒙事之難交通限之雖邊禁既弛而百餘年來未得吸收文明貿遷物產之利益道路不

通畛域亦緣之而日甚及今經營之策固亦從溝通蔽塞爲之先而後乃能收種種
果則脩築鐵路誠一至要之圖也往者擬築新法鐵路由新民至法庫先成此段再
法庫築至洮南更由洮南築至昂昂溪以接齊齊哈爾由南而北便工程保利權乃
之偉畫先新法後法洮洮齊防交涉圖漸進則徐帥之深謀詎新法發端日人遽以
相責方爭持而未解決敗鈴周歷蒙疆復派員調查測繪始思改路繞而西之創爲
之議由錦州起紆道小嘩嚙以達洮南然後循原定路線由洮南趨昂昂溪以接齊
爾如此則匪惟貫串哲里木十旗即昭烏達卓索圖兩盟亦享鐵路之益現在錦洮
去年已派工程司勘測近又經奏請交郵傳部籌議自必內外合力以觀厥成者也
造之艱非企足可待蒙地工築限於氣候一年工事不過數月如今年及時勘估明
能決議借款招股之遲阻或須延至後年方能施工如待勘測全路始能估定則實
測千四百餘里又非今年所能竣事者也例之京張四百里之綫修築至於五年則